



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr. 326/2019

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Gyltene Sylejmani kryesuese, Adnan Konushevci dhe Faton Ademi anëtarë, me pjesëmarrjen e zyrtares së lartë ligjore: Florije Krasniqi, duke vendosur lidhur me ankesën e Rrjetit Ballkanik për Gazetari Hulumtuese (BIRN) dhe Internews Kosova (IKS), me seli në Prishtinë, paraqitur kundër subjektit politik Partia Demokratike e Kosovës (PDK), me seli në Prishtinë, për shkak të vendosjes së posterëve në afërsi të qendrës së votimit 100 metra, për Zgjedhjet e Parakohshme për Kuvendin e Republikës së Kosovës, të datës 06.10.2019, në seancën e panelit të mbajtur më datë 07.10.2019, mori këtë:

V E N D I M

Pranohet e bazuar ankesa e Rrjetit Ballkanik për Gazetari Hulumtuese (BIRN) dhe Internews Kosova (IKS) Anr. 326/2019 e datës 06.10.2019, subjektit politik Partia Demokratike e Kosovës (PDK) me seli në Prishtinë, për shkak të vendosjes së posterëve në afërsi të qendrës së votimit në një distancë më të afërt se 100 metra, i shqiptohet gjobë, në lartësi prej 1.600.00 (njëmijë e gjashtëqind) euro dhe detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi **nën kërcënim të përmbarimit**

A r s y e t i m

Parashtruesi i ankesës, Rrjeti Ballkanik për Gazetari Hulumtuese (BIRN) dhe Internews Kosova (IKS), me seli në Prishtinë, me datën 06.10.2019, ka parashtruar ankesë në PZAP, me të cilën pretendohet se në ditën e votimit më datë 6 Tetor 2019, në afërsi me pak se 100 metra afër Qendrës së Vendvotimit, Shkollës Filllore “Resim Kiçina”, kanë vendosur mund të posterin e kandidatit për deputet Gani Halili, nga radhët e subjektit politik Partia Demokratike e Kosovës (PDK). Më këtë rast pretendohet se një gjë e tillë bie ndesh me Rregullen Zgjedhore nr.13/2013 neni 3 pika 3.4.

Në përgjigjen në ankesë subjekti politik, Partia Demokratike e Kosovës (PDK) konsideron se ankesa e BIRN dhe IKS është e pabazuar, për faktin se ka ushtruar ankesë me një fotografi të vetme me arsyen se është afër një shkolle por në anën tjetër nuk tregojnë saktë dhe në mënyrë të besueshme se cila është distancë e kësaj fotoje nga shkolla. Sipas subjektit politik PDK, në përgjigjen e tij thekson se distanca e fotos nga shkolla është më e madhe se 300 metra ku shihet mirë se aty është parku i qytetit. Më tutje thekson se në bazë të provave-fotografisë nuk shifën institucionet publike

PZAP-i, pas shqyrtimit paraprak të besueshmërisë së ankesës dhe vlerësimit të pretendimeve ankimore si dhe provave materiale-fotografia, e bashkangjitur, që gjenden në shkresat e lëndës, në kuptim të nenin 117 par.2 dhe 3 të LZP-së, gjeti se:

Ankesa është e bazuar

Paneli, në këtë çështje juridike me qëllim të vërtetimi të plotë dhe të drejtë të gjendjes faktike shqyrtoi pretendimet e palëve në procedurë dhe provat, si në vijim: shikoj një fotografi të printuar në formatin A4.

Nga fotografitë e ofruara si provë nga paraqitësi i ankesës dhe pala tjetër me anë të përgjigjes në ankesë, shihet qartë se posteri i kandidatit për deputet Gani Halili, nga radhët e subjektit politik Partia Demokratike e Kosovës (PDK), ka qenë i vendosur në një permimetër apo distancë më të afërt se 100 metra nga objekti - Shkolla Filllore "Resim Kiçina" në Drenas, njëherit QV, për ditë të votimit, veprim ky që është në kundërshtim me nenin 36 par.1, pika a) dhe b), të LZP-së, e cila përcakton se: " Njëzetekatër (24) orë para hapjes së qendrave të votimit për hedhjen e votës, e deri në mbylljen e tyre, subjekteve politike, mbështetësve ose kandidatëve të tyre u ndalohet secili prej veprimeve si më poshtë: a) Shpërndarja ose shfaqja në mënyrë tjetër në ndonjërin nga qendrat e votimit ose 100 metra brenda hapësirës së të njëjtës, e çfarëdo lloj materiali me qëllim ndikimi tek votuesit; b) Bërja e fushatës në çfardo mënyrë" si dhe nenit 85.1 të LZP-së, parashihet që 24 orë para fillimit të votimit të gjitha subjektet politike të cilat nuk kanë larguar materialet e fushatave të tyre zgjedhore të vendosura brenda dhe rreth cilido vendvotim ose qendre të votimit në rreze prej 100 metra, duhet të largohen nga anëtarët e KKV-ve, ose Menaxheri i QV-së, dhe se subjektet politike të cilat nuk i kanë larguar ose janë gjetur duke postuar do të raportohen në PZAP për shkelje të këtij ligji.

Pasi që paneli, bëri vlerësimin e secilës provë ,duke u mbështetur në dispozitat e nenit 117 par. 3 të Ligjit për Zgjedhjet e Përgjithshme (LZP), nga të njëjtat vërtetoj faktin e pretenduar si në parashtimet e ankesës se posteri i kandidatit për deputet Gani Halili, nga radhët e subjektit politik Partia Demokratike e Kosovës (PDK), ka qenë i vendosur në afër shkollës filllore "Resim Kiçina" në Drenas, njëherit QV, për ditë të votimit, ky fakt është vërtetuar nga fotografitë të cilat gjenden në shkresat e lëndës, andaj e **pranoj si të bazuar ankesën** dhe vendosi si në dispozitiv duke marr parasysh arsyet në vijim për shqiptimin e lartësisë së gjobës.

Paneli me rastin e vendosjes se gjobës si në dispozitiv të këtij vendimi, ka marrë parasysh rrethanat si në vijim:

- Natyra e shkeljes dhe ndikimit të mundshëm të saj në procesin zgjedhor;
- Shkallën dhe peshën e shkeljes;
- Subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
- Subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë si dhe
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Nga arsyet e theksuar më e duke bazuar nenin 118 par.1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa
Anr.326/2019 më datën 07.10.2019

Kryesuesja e Panelit
Gyltene Sylejmani



Këshilla Juridike: Kundër këtij vendimi, nuk është e lejuar ankesa konform nenit 118.4 të LZP-së.